

藏經書院版

卐
續藏經

第 129 冊

中國撰述

禮懺部

新文豐出版公司
印行

已續藏經。——臺一版。——臺北市：新文豐，[民82
-]

冊；公分

ISBN 957-17-0665-5 (一套：精裝)

——ISBN 957-17-1240-X (第一二九冊：精裝)

1.藏經

221.08

82000521

所
有



版
權

印發
刷行
所及

新文豐出版

股份有限公司

發行人

高

本

釗

編輯者

藏

經

書

院

新編
已續藏經

全一五一冊
第一二九冊

精裝一冊基價一五·五五元正

中華民國八十三年十二月台一版一版三刷

公司：臺北市雙園街九十六號
電話：三〇六〇七五七
門部：臺北市羅斯福路一段二〇八號
電話：三〇四一五二九
台北郵政特准掛號認爲新聞紙類
登記證：警字第一四二六號
郵政劃撥：三五六八〇七六
傳真：三〇四二三八七〇

22090200 (精：一套)

22090329 (精：第一二九冊)

南無本師釋迦牟尼佛



卍續藏經第一二九冊目錄

新文豐出版公司影印卍續藏經會編印

中國撰述 禮懺部

圓覺經道場略本修證儀 一卷	宋淨源錄	0001
依楞嚴究竟事懺 二卷	明禪修述	0010
佛母孔雀尊經科式 一卷	宋知禮始集 清讀體重纂	0046 0054
千手千眼大悲心咒行法 一卷	明受登集	0062
准提三昧行法 一卷	清夏道人集	0079
准提焚修悉地懺悔玄文 一卷	明受登集	0094
藥師三昧行法 一卷	明智旭集	0110
慈悲藥師寶懺 三卷	明智旭述	0124 0136
占察善惡業報經行法 一卷		
讚禮地藏菩薩懺願儀 一卷		
慈悲地藏菩薩懺法 三卷		

得遇龍華修證懺儀四卷	明如	惺撰	0165
吳中石佛相好懺儀一卷	明傳	燈集	0205
舍利懺法一卷	清繼	僧著	0210
禮舍利塔儀式一卷	清弘	贊編	0221
禮佛儀式一卷	清弘	贊編	0235
供諸天科儀一卷	清弘	贊集	0241
金剛經科儀一卷	清達	基錄	0258
慈悲道場水懺法隨聞錄三卷	清智	證錄	0289
慈悲道場水懺法科註三卷	清西	宗集註	0414
法界聖凡水陸勝會修齋儀軌六卷	宋志磐謹撰 明株宏重訂		0527
法界聖凡水陸大齋普利道場性相通論九卷	清咫	觀述	0605
法界聖凡水陸大齋法輪寶懺十卷之內自一之上至二卷	清咫	觀記	0691

90/217M
wt173/06

圓覺經道場略本修證儀

晉水沙門 淨源 錄

第一總叙緣起

第二嚴淨道場

第三啓請聖賢

第四供養觀門

第五正坐思惟

第六稱讚如來

第七禮敬三寶

第八修行五悔

第九旋繞念誦

第十警策勸修

諸家禮懺皆先香華供養今先啓請者廣儀曰

若不先請欲供何人固宜先請義有在焉

第一總叙緣起

吾佛之唱圓覺也開一心法而被乎三根者斯蓋障之有淺深機之有利鈍矣是故通別觀門離之爲二道場懺悔次其第三亦猶出殿良駒已搖鞭影塵大寶須設治方耳然則懺之爲義有理懺焉有事懺焉若夫陳罪相以精勤責妄心而愧切此事懺也念實相以宴安羅慧日於霜露此理懺也漢魏以來崇茲懺法蔑聞其有人者實以教源初流經論未備諸方等經等論西晉彌天法師嘗著四時禮文觀其嚴供五悔

之辭尊經尙義多撫其要故天下學者悅而習焉陳隋之際天台智者撰法華懺法光明百錄具彰逆順十心規式頗詳而盛行乎江左矣有唐中吾祖圭峰禪師追彌天之餘烈貫智者之遺韻備述圓覺禮懺禪觀凡一十八卷包并勸修揆敘證相故道場法事之門有七而禮佛懺儀之門有八其所引冲遠澹漫多用佛名文及蓋彼三期限內修證耳余以像法之末遇茲遺訓緬懷淨業其亦有年繇是略彼廣本爲此別行法類和從蓋盡一席之軌矣既而觀其辭雖異於彌天唱其聲似協於智者天竺西明皆廣智者之裏後之末學繼而修之則圭峰劬勞之德亦報之之萬一也

第二嚴淨道場

此門者當道場法事第六今異錄之以爲略本之統要耳

夫衣服身形皆是行人心中所依處也若欲修此圓頓大行先須禮懺之法必須淨心心不孤起必藉依緣依緣清淨故心即清淨故須嚴淨此三事也況欲啓請賢聖須嚴淨壇場壇場不嚴潔則道心不發無所感降是故應當嚴壇淨服浴身安諸事務調伏身心供養三寶一心繫念自憶我等有此身來及過去世

中所有惡業專精懺悔希修觀時身心清淨所有願求悉皆尅獲其道場法先須揀處離於喧雜惡穢及諸障礙若得深邃巖谷幽僻林泉最為殊妙若在人間須除去一二尺舊土以香泥塗地懸諸幡華堂中置盧舍那像兩畔置文殊普賢二像是爲三聖佛前安圓覺經以函盛之點蓮華燈焚百和香諸莊嚴具唯要潔淨不必好貴各隨力分但力極卽爲至貴本獻供養賢聖祇爲表自虔誠豈賢聖有好惡也好惡二字皆去其布置方法任自隨便亦無局定之儀式次淨衣服者然出家者本合護淨若料尋常護之不謹卽臨入道場著新淨衣如無新者次須澡浴身體身若穢觸豈堪近於聖賢雖諸佛無心神祇不衛神祇不衛則邪魔惱亂障難生也非唯淨身尤須淨心絕諸緣念縱遇障難無退志矣三業清淨方入道場初入用六齋日此日四王使者諸大善神來下人間檢察善惡見修行者安慰守護爲現瑞相令行者心生歡喜增益諸根耳自下八門多依廣修證儀卷次

第二啓請聖賢

夫欲發心洗滌罪垢加功運行證入妙境每對十方一切賢聖願爲證明雖諸佛賢聖無所不在若不虔請對而不現故須依智雖識常依佛想心清智明理隨事變卽常見佛名淨緣起故華嚴云譬如日出普照世間於一切淨水器中影無不現佛日亦爾普現法界無前無後一切衆生淨水器中佛無不現然行者初入道場稱念盧舍那佛右繞一匝至法座前敷尼師壇正身正念慎勿散亂合掌佇立嚴德者首唱云

一切恭敬一心頂禮十方常住三寶

總禮三寶一拜互跪執手鋪墊衆名香恭敬聖賢但每旦三請餘時不用

一心奉請南無大光明藏凡聖本源現諸淨土法報

圓融盧舍那佛三請一禮下皆依此

一心奉請南無娑婆世界釋迦文佛及彼淨土同說

圓覺百千萬億河沙諸佛

一心奉請南無清淨覺地光嚴住持盡未來際守護

圓覺十方三世一切諸佛

一心奉請南無大方廣圓覺修多羅了義十二部經

清淨眼目頓教大乘甚深法藏

一心奉請南無大光明藏淨土會中大智文殊師利菩薩大行普賢菩薩摩訶薩

一心奉請南無淨土會中通明觀行普眼菩薩金剛藏菩薩彌勒菩薩清淨慧菩薩摩訶薩

一心奉請南無淨土會中別明觀行威德自在菩薩辨音菩薩淨諸業障菩薩普覺菩薩摩訶薩

一心奉請南無淨土會中道場如行圓覺菩薩流通教法賢善首菩薩并諸眷屬十萬菩薩摩訶薩

一心奉請南無大悲觀世音菩薩馬鳴龍樹諸祖菩薩及十方三世一切菩薩聲聞緣覺聖僧

一心奉請南無淨土會中守護人法梵釋四王天龍八部乃至火首金剛大力鬼王并諸眷屬及此國內名山大川當州分野境內鬼神此所住處護伽藍神守正法者一切賢聖

從守護下但三請不應禮拜白衣無妨

第四供養觀門

啓請既竟已如諸佛諸大菩薩不違我請從大光明藏平等法會不

起三昧慈悲應赴我機緣不動而現我等肉眼不能親攝心觀想了了分明見佛菩薩及諸賢聖塞道場偏處空界知見我等至心懇請是故我等應當香華供養執手繼唱云

是諸衆等 各各互跪 嚴持香華

如法供養

至此停唱以手擎華應默念擬想云諸佛淨法身功德無有量不住亦不壞湛然而常安我所執香華皆從草木生奉獻於諸佛持此想供養發身諸毛孔令一一毛孔出無數香華願供一切佛化成香華臺諸佛既受之於十方世界施爲作佛事還復成金臺住於我等前想已唱云

願此香華雲 徧滿十方界 供養一切佛

尊法諸菩薩 聲聞緣覺衆 受此香華雲

以爲光明臺 廣於無邊界 無量作佛事

上皆觀佛三昧海經意又前注中偈辭一十八句

亦是彼經長行今但撮略大旨爲偈欲使行人默

念仰想無遺然道場中多獻綵綵之華蓋值霜雪

之時無草木之華餘時依經求之獻三寶耳

供養已一切恭謹

起禮一拜廣儀云供養除多劫慳貪障生得大財富

第五正坐思惟

此之一門按廣懺悔明坐禪法在旋繞之後凡有七

門其間調身豎心修正發觀歷緣對境隨門別辨夫懸七政於太清太清令萬物之咸觀也

今以行人或修一席懺法座前平面正住端身正坐繫念數息故經云若諸衆生修於禪那先取數門疏曰此有二意一者先用數息觀門治諸覺觀漸入妙境二者卽次經云心中了知生住滅念分齊頭數釋曰此但明修絕待中觀之方便是知絕念之慧方能了知生住滅念故於此觀門之次復應知了蘊了妙居一切時不起妄念於諸妄心亦不卽息滅住妄想境不可了知於無了知不辨真實卽而言之此其妙也

第六稱讚如來

既供養思惟已卽應正身威儀一心佇立同讚諸佛微妙功德廣儀云稱讚除無量劫來惡口等障得四無礙辨

身色金光淨無垢

目如清淨紺琉璃

吉祥威德稱普聞

大悲慧日除衆闇

牟尼月照極清涼

能除衆生煩惱熱

功德難思無與等

猶如剎塵不可數

我佛智慧亦如是

一切有情不能知

於無量劫諦思惟

無能測度福智海

讚已當述建懺之意任自智力所陳云云

第七禮敬三寶

既讚嘆竟應當一心次第敬禮禮佛之法當須隨所禮之佛至心憶念此佛眞身猶若虛空應物現形如對目前受我禮拜又須自知身心空寂無有禮相隨其淨緣影現法界一一佛前悉有此身按勒那三藏說七種禮具有條式如楞嚴修證儀中辨之無以生滅之心而爲敬禮故廣儀云虔誠禮敬能除無量劫來我慢之障得尊貴身

一心頂禮大光明藏凡聖本源現諸淨土以應回機

盧舍那佛

一心頂禮娑婆世界隨機感應千百化身本師釋迦

牟尼佛

一心頂禮大光明藏於諸衆生清淨覺地光嚴住持

一切諸佛

一心頂禮身相融通言音無礙同說圓覺百千萬億河沙諸佛

一心頂禮大慈大悲有大誓願盡未來際守護圓覺三世諸佛

一心頂禮大方廣圓覺修多羅了義十二部經清淨眼目頓教大乘甚深法藏

一心頂禮大光明藏淨土會中開發因地表信解證智文殊師利菩薩摩訶薩

一心頂禮大光明藏淨土會中彰明幻法表悲願理行普賢菩薩摩訶薩

一心頂禮大光明藏淨土會中悉見諸法清淨普現菩薩摩訶薩

一心頂禮大光明藏淨土會中通決甚深疑念金剛藏菩薩摩訶薩

一心頂禮大光明藏淨土會中深究輪迴根本彌勒菩薩摩訶薩

一心頂禮大光明藏淨土會中洞明修證地位清淨慧菩薩摩訶薩

一心頂禮大光明藏淨土會中發明三種妙觀威德自在菩薩摩訶薩

一心頂禮大光明藏淨土會中顯彰二十五輪辨音菩薩摩訶薩

一心頂禮大光明藏淨土會中徵起覺心因除四相淨諸業障菩薩摩訶薩

一心頂禮大光明藏淨土會中請問求師去除四病普覺菩薩摩訶薩

一心頂禮大光明藏淨土會中發起道場加行證理圓覺菩薩摩訶薩

一心頂禮大光明藏淨土會中流通教法廣濟未來賢善首菩薩摩訶薩

一心頂禮大光明藏淨土會中與諸眷屬十萬菩薩摩訶薩

一心頂禮大悲觀世音菩薩馬鳴龍樹諸祖菩薩及十方三世一切菩薩摩訶薩

一心頂禮十方三世盡虛空界微塵刹中有學無學一切聲聞緣覺賢聖僧

第八修行五悔

明懺悔法 既禮佛竟正身威儀虔敬互跪右膝
箸地燒諸名香存想普賢菩薩無量莊嚴眷屬圍
遶爲懺悔主如對目前一心一意生鄭重慚愧發
露無量劫來六根三業所造一切惡業斷相續心
從於今時盡未來際終不更造所以者何業性雖
空果報不失是故行者發露懺悔願罪消亡廣儀
云懺悔總除三障得依正二報具足應一心念言
我與衆生無始所作一切罪障惟願三寶哀愍拔
濟頓祛愚業翻作淨因身心齊空罪福無主了見
眞性等佛法身三業罪懺成三解脱六根重障翻
作六通次唱云
普爲四恩三有及法界衆生悉願斷除諸障歸命懺
悔 唱已起禮一拜當運逆順十心
復念清涼偈云

自從無垢起無明 亦值惡友增我情
無隨喜心善永滅 縱自語意惡漸生
心心徧布觸所染 念念相續日夜營

不欲人知藏過失 不畏惡道任縱橫
無慚無愧魔羅網 撥因撥果闌提坑
如是順流背本已 生死苦海浩然盈
幸識由來長者子 今欲逆流捨貧里
正信因果破闌提 慚愧人天破無知
恐怖惡道破不畏 發露罪業破覆瓿
斷相續心破常念 發菩提心破偏起
修功補過破縱恣 守護正法破無喜
念十方佛破惡友 觀罪性空破結使
上之六偈初三願生死心以爲所治後三逆生死
心從後翻破應當熟誦默念次作是言
我比丘某甲至心懺悔稽首歸命十方三世無盡三
寶證知護念我與法界一切衆生自從無始曠大劫
來無明覆心迷自佛智妄識造業生死輪迴背佛
法僧隨惡師友眼根著色爲恩愛奴不觀如來法身
周徧耳貪聲境賊害無窮不聞如來圓音說法鼻貪
香氣結使是生功德妙香不能覺舌貪食衆味餐噉
衆生妄語綺語兩舌惡口毀謗三寶凌辱二親豈覺

如來甚深法味身根著觸耽染無窮晝夜荒迷不知
止足徧造諸惡行殺盜淫諸佛慈光不能照燭意根
著法觸境攀緣念念常生貪瞋邪見一切三障業備
造諸非三障十纏相牽不斷起四顛倒作一闡提不
老尊親無慚無愧十惡四重五逆七遮自作教化見
作隨喜一惑纔起百萬障開展轉無窮備障衆善不
能發起大菩提心不能修行一切善法長夜受苦無
有厭心如是等慙唯佛知覺今悉懺悔斷相續心矧
此罪障但顛倒生無有定實本來空寂唯願盧舍那
佛普賢菩薩慧日垂光銷我身心業惑霜露慈風普
振摧重障山法水長流洗我心垢惟願我等罪根消
滅速達本心法界衆生同得清淨

懺悔已歸命禮盧舍那佛一切三寶

餘之四法皆依此
但改勸請等爲異

明勸請法廣儀云勸請除多劫謗
法障生生得多聞辯才

我比丘某甲至心勸請

十方調御初成道

恭請慈悲轉法輪

若有如來欲涅槃

願以衆生永住世

明隨喜法廣儀云隨喜除多劫嫉妬障
生生得廣大善知識眷屬
我比丘某甲至心隨喜

河沙諸佛與菩薩

辟支羅漢及凡夫

所有修行衆善根

我皆隨順而歡喜

明迴向法廣儀云迴向除殃
多障成廣大善

我比丘某甲至心迴向

我等自從歸向佛

所修一切福因緣

悉將迴向大菩提

普與衆生證實際

明發願法廣儀云發願除退屈障得
除總持諸障速至妙果

我比丘某甲至心發願

願我懺除諸業障

心開意解洞靈源

六識行時正慧行

六塵現處眞空現

第九旋繞念佛

既懺悔發願竟應當一心右繞法座繞
以衆香安庠徐步稱念三寶名號云

南無十方佛

南無十方法

南無十方僧

南無圓融教主盧舍那佛南無隨機感應釋迦文佛

南無光嚴住持一切諸佛南無同說圓覺河沙諸佛

南無守護圓覺三世諸佛

南無大方廣圓覺經

南無文殊師利菩薩

南無普賢菩薩

南無普眼等十萬菩薩

南無十方一切菩薩摩訶薩

夫旋繞者戀慕三寶微妙功德也如是三匝乃至

七七百亦無定數次誦圓覺菩薩章聲德者舉

云大方廣圓覺經道場修證法門若夫誦經規式

備如行願儀中辨之誦經既竟當至佛前一心正

念唱三歸依右旋而出

第十警策勸修廣儀文中勸修居初今爲略本警策述意故結之於後

按本經云若立長期一百二十日中期百日下午八

十日上之十門既錄廣儀別行宜以七日爲一期限

乃至七七七日隨意堪任晝夜六時禮請三寶不得託

事放逸睡眠亦不得少選念世五欲或遇三八或逐

日發意修之皆無在焉若於新歲之初聖制之前以

七日爲期者須於道場外別置禪觀堂逐日散華之

後引諸行人歸於堂中繫念數息如遇時促但於法

座前作數息觀亦量當時之宜又將入壇場并出懺

已亦於此堂誦經文向云道場內誦經者亦示一
帶之行用耳儻有精勤偉士希心前古依乎三期限
內修證者善莫大焉若按經文通於四衆其尼衆士
女皆在道場禪堂之外一心發願屏緣修之況此本
是禪觀道場其諸體懺但是方便苟慢心不除信心
未發三業懈怠惑亂諸徒聖賢不喜神祇不祐勉旃
思之

圓覺道場略本修證儀

熙寧二年龍集己酉八月朔且於青塾寶閣講院
編錄其年冬十一月二十三日再治耳

雪溪普靜寺表白比丘僧堅謹捨長財開勒圓覺
修證懺印版一副以此勝利奉報受業和尚法
乳之恩所生父母劬勞之德次願茫茫九有蚩蚩
四生俱乘五悔之文悉證十身之奧
天平山白雲寺講賢首祖教學徒宗禮句當

弘安六七九於光明院拭七旬有四之眼寫一卷
十門之章而已

正應二年卯月七日於太子聖跡八坂法觀寺寫
之

印造圓覺經略本修證儀後序

圭峰禪師撰圓覺經道場修證儀一十八卷被三期
限內之脩證然文廣義繁末學不便今者晉水法師
略彼廣本以爲一卷蓋非唯被三期限內之脩證亦
像法之末修一席之懺儀令昏迷有益是述者之微
意也予嘗尋覓此書久矣偶獲之鳩峯下金剛律寺
喜躍難喻於是屬寺主照榮律師彫刊而弘於其傳
近里遠邦據斯修證齊入大光明藏是豈不幸哉
元祿八年乙亥三月上浣

雙丘法金剛精舍慧晃拜識

依楞嚴究竟事懺卷上

凡熏修楞嚴究竟懺法不須別作佛事不必申奏
表牒不用金銀錢帛不動錢銀雲羅但當延名僧
善士朗誦懺文靜觀罪性觀想

佛象至誠禮拜必致感應夫水清月現鏡淨像生克
念在我無有不如願者矣 一隨力陳設

佛像 菩薩像 羅漢像 諸天護法像 淨水

淨茶 淨鏡 名香 燈燭 時華 時果

時蔬 三德之飯 六味之蔬 凡室中所有珍
寶妙物鮮潔段帛悉要列供不可隱細用塵匿新
使敝

先誦大佛頂首楞嚴呪結界 次嚴淨祝讚

次開啓懺法

上卷入懺啓白

切以塵寰滾滾業海茫茫最初不覺忽起無明始從
法界分流遂至隨緣汨沒奔趨逐境各不相知界則
成住壞空心則生住異滅五蘊蓋覆五欲恣荒念慮

飄忽如空中之游塵動作輕狂似海中之波浪繚是
依心起法見境生情六道之輪迴不息七趣之形狀
無涯空散銷沉悉具如來德相飛行蠢蠕俱稟善逝
靈知天宮多樂人道難生芥投針孔其中之風雨最
艱難值浮槎此際之狂瀾非易雖三因三緣之已具
而七七月之罕成住胎出胎受苦萬狀三週九歲
疾疹多般既有夫婦之偕便嬰男女之累紛飛心緒
勞碌形骸著我就人愛美憎惡世法濃染等膠漆之
粘連情欲纏綿若魚水之輾轉趨時冒險害他保身
爲利殺性以錢網肉但知養其口體不念殃及無辜
錙銖是爭睚眦必報一生羣蹙開口之笑希逢畢世
熬煎稱意之事能幾官高爵厚寵辱若驚庫溢倉陳
得失尤患天橫疾病衰朽龍鍾林林而生泯泯而死
當捨壽時生龜脫筒徒盼難割之骨肉空率苦積之
田財惡業冤讐追尋不釋結習煩惱貼體不離非入
火鑊刀山定配披毛戴角是以大覺出世迷人之大
夢喚回聖教流傳季葉之苦輪可息開慈悲法眼憫
弱喪窮途罪惡已構何能自拔泥犁福善續爲庶得

贖其過咎地跌還從地起。心造要以心除。闡懺悔法。門度沉淪苦類。今者禮懺衆等。何幸預修。從此改過。圖新懼罪。遷善焚香。散華設像。禮拜千年。積暗燃一燈。以破除萬劫。重迷聆片言而領悟。前念著境。後念遠離。邪見銷鎔。正信牢固。有爲空華。水月能覺。所覺谷響。乾城達罪性之本空。入唯心之識定。我衷耿耿。聖鑑昭昭。伏願不逢惡友。不遇惡緣。不發惡言。不起惡念。善業純熟。善果圓成。善法行持。善人接引。星辰順旺。運限亨通。四時吉利。營求果遂。其心百歲康寧。福祉介萃於體。諸天擁護。魔恠潛藏。不作十習之因。不受六交之報。直往菩提。逕登彼岸。更願人人悔悟。物物豐饒。政教化成。雨暘時若。無龍鬪蛟起山崩。岸圻之災。無地動水立。屋倒舟沉之患。無兵戈之釁。無饑饉之虞。無疫癘蟲蝗。無盜賊奸宄。玉燭恒調。金甌永固。萬方普順於

一人四夷。遵行於十善。各保疆宇。共樂昇平。不爲尤物所移。不被宵人所誘。不至暴殄。天物不敢違逆天心。報應如影響。因果如瓜。豈理必填還事。無差爽俱

懷恐懼。同修懺悔。深省無常。苦空。期獲常樂。我淨虔誠。啓白。智照證盟。

開懺偈

得成菩提降伏魔

宣說佛名懺悔法

三千諸佛緣此興

我今諦信願如是